

**Bosna i Hercegovina
Federacija Bosne i Hercegovine
Federalni zavod za statistiku**

**PRAVILNIK O DISTRIBUCIJI PUBLIKACIJA FEDERALNOG
ZAVODA ZA STATISTIKU**

Juli, 2011.godine

Na osnovu člana 70.Zakona o organizaciji organa uprave u Federaciji Bosne i Hercegovine („Službene novine Federacije BiH“, broj 35/05), a u vezi sa čl. 9. Zakona o statistici u Federaciji Bosne i Hercegovine („Službene novine Federacije BiH“ br. 63/03 i 9/09), direktor Federalnog zavoda za statistiku donosi:

PRAVILNIK O DISTRIBUCIJI PUBLIKACIJA FEDERALNOG ZAVODA ZA STATISTIKU

I OPĆE ODREDBE

Član 1.

Ovim pravilnikom uređuju se opći uslovi i način distribucije publikacija Federalnog zavoda za statistiku (u daljnjem tekstu: Zavod)

Član 2.

Publikacije Zavoda dostupne su korisnicima u štampanom obliku i/ili na elektronskim medijima (elektronska pošta/CD i internet).

Korisnici mogu publikacije Zavoda naručiti poštom, telefaksom, elektronskom poštom ili lično.

U smislu ovog pravilnika distribucija publikacija Zavoda može biti besplatna i uz naknadu.

II BESPLATNA DISTRIBUCIJA PUBLIKACIJA

Član 3.

Zavod besplatno distribuira publikacije Zavoda korisnicima određenim ovim pravilnikom i Zakonom o bibliotečkoj djelatnosti („Sl. list RBiH“ br.37/95) koji uređuje davanje publikacija na besplatno korišćenje.

Direktor Zavoda može odlukom odrediti i druge korisnike kojima se publikacije Zavoda distribuiraju bez naknade.

Član 4.

Direktor Zavoda, na prijedlog Odsjeka za publicistiku (ili da stoji nadležene unutarnje ustrojstvene jedinice Zavoda), utvrđuje Listu korisnika kojima se publikacije Zavoda distribuiraju bez naknade.

Član 5.

Korisnici iz člana 3. ovog pravilnika ostvaruju to pravo dok se njihov status ne izmijeni Zakonom o bibliotekama, ovim pravilnikom, odlukom direktora ili na njihov zahtjev.

Korisnici kojima se publikacije Zavoda distribuiraju bez naknade, ne obnavljaju pretplatu do promjene svog statusa.

PARLAMENT FEDERACIJE BOSNE I HERCEGOVINE

Član 6.

Biblioteci Parlamenta FBiH dostavlja se besplatno, u štampanom obliku, jedan primjerak svih publikacija Zavoda objavljenih u godini prema Programu publiciranja (u daljem tekstu: komplet publikacija).

Uredu predsjedavajućeg Doma naroda i Predstavničkog doma Parlamenta Federacije BiH (dali ima još neko) dostavlja se besplatno, u štampanom obliku, po jedan primjerak publikacija prema njihovom izboru iz kompleta publikacija, a na zahtjev ureda i dodatni broj publikacija.

PREDSJEDNIK/CA FEDERACIJE BOSNE I HERCEGOVINE

Član 7.

Uredu predsjednika/ce Federacije BiH dostavlja se besplatno, u štampanom obliku, jedan komplet publikacija, a na zahtjev ureda i dodatni broj traženih publikacija.

VLADA FEDERACIJE BOSNE I HERCEGOVINE

Član 8.

Uredu premijera Vlade FBiH i uredima svih zamjenika premijera Vlade FBiH dostavlja se besplatno, u štampanom obliku, po jedan komplet publikacija, a na zahtjev ureda i dodatni broj traženih publikacija.

OSTALI KORISNICI BUDŽETA FEDERACIJE BOSNE I HERCEGOVINE

Član 9.

Ostalim korisnicima budžeta Federacije BiH dostavlja se besplatno, u štampanom obliku, po jedan primjerak „Mjesečni statistički pregled Federacije Bosne i Hercegovine“ i po jedan primjerak publikacije prema njihovu izboru iz kompleta publikacija.

Korisnicima iz stava 1. ovog člana dostavlja se, elektronskom poštom/CD-om, dodatni primjerak traženih publikacija iz stava 1. ovog člana.

OVLAŠĆENI PROIZVOĐAČI STATISTIKE

Član 10.

Nositeljima službene statistike određenima Zakonom o statistici („Sl. novine Federacije BiH“ br. 63/03 i 9/09) i Programom statističkih istraživanja od interesa za Federaciju BiH, čiji se podaci objavljuju u publikacijama Zavoda, dostavlja se besplatno, u štampanom obliku, po jedan primjerak publikacije prema njihovu izboru iz kompleta publikacija.

Nositeljima službene statistike iz stava 1. ovog člana dostavlja se, elektronskom poštom/CD-om, dodatni primjerak traženih publikacija iz stavka 1. ovog člana.

Uredima državne uprave u kantonima, koji obavljaju poslove službene statistike, besplatno se dostavlja odgovarajući broj kompleta publikacija, kao i posebnih izdanja, ovisno o broju statističkih ispostava.

DIPLOMATSKA I DRUGA PREDSTAVNIŠTVA

Član 11.

Stranim ambasadama i stranim konzulatima u Bosni i Hercegovini dostavlja se besplatno i štampanom obliku, po jedan primjerak Statističkog godišnjaka/ljetopisa i Mjesečnog statističkog pregleda Federacije Bosne i Hercegovine.

RAZMJENE

Član 12.

Stranim statističkim uredima, s kojima je dogovorena međusobna razmjena publikacija, dostavljaju se besplatno, u štampanom obliku, publikacije prema dogovoru, odnosno prema njihovu izboru iz kompleta publikacija.

Član 13.

Međunarodnim organizacijama i institucijama koje provode statistička istraživanja u kojima sudjeluje i Federacija BiH sa svojim podacima, dostavljaju se besplatno, u štampanom obliku, publikacije prema njihovu izboru iz kompleta publikacija.

Član 14.

Stranim statističkim uredima te međunarodnim organizacijama i institucijama iz člana 12. i 13. ovog pravilnika, koje imaju razmjenu sa Zavodom, dostavljaju se publikacije Zavoda u istoj ili približnoj vrijednosti dobivenih publikacija.

BIBLIOTEKE

Član 15.

Fakultetskim bibliotekama dostavlja se besplatno, u štampanom obliku, po jedan primjerak publikacija prema njihovu izboru iz kompleta publikacija, s ciljem da publikacije Zavoda budu dostupne i njihovim korisnicima.

Fakultetskim bibliotekama dostavlja se, električnom poštom/CD-om, mdodatni primjerak traženih publikacija iz stava 1. ovog člana.

Član 16.

Bibliotekama parlamentarnih evropskih zemalja dostavlja se besplatno, u štampanom obliku, po jedan primjerak Statističkog godišnjaka/ljetopisa i Mjesečnih statističkih pregleda za Federaciju BiH.

OBAVEZNI PRIMJERAK

Član 17.

Nacionalnoj biblioteci dostavljaju se obavezni primjerci publikacija Zavoda u skladu sa odredbama Zakona o bibliotečkoj djelatnosti („Sl. List RBiH“ br. 37/95).

MEDIJI

Član 18.

Zavod može medijima, kao reklamni materijal, dostavljati besplatno publikacije Zavoda prema njihovu izboru iz kompleta publikacija.

PUBLIKACIJE NA INTERNETSKIM STRANICAMA ZAVODA

Član 19.

Objavom publikacija Zavoda pod nazivom „Saopćenje“ i „Mjesečni statistički pregled Federacije Bosne i Hercegovine“ na internetskim stranicama Zavoda, prestaje obaveza Zavoda da korisnicima koji imaju pravo na besplatnu distribuciju publikacija Zavoda navedene publikacije dostavlja u štampanom obliku.

Odredba stava 1. ovog člana ne primjenjuje se na korisnike koji pravo na besplatnu distribuciju publikacija Zavoda ostvaruju na osnovu Zakona o bibliotečkoj djelatnosti, te na korisnike iz člana 6., 7. i 8. ovog pravilnika.

III PRODAJA PUBLIKACIJA

Član 20.

Svi korisnici, osim onih koji imaju status besplatnih korisnika, plaćaju publikacije Zavoda prema Cjenovniku publikacija i usluga.

Član 21.

U prostorijama Zavoda korisnici/fizičke osobe mogu kupiti publikacije Zavoda s tim što se plaćanje vrši na jedinstveni račun trezora Federacije BiH.

Korisnici/pravne osobe mogu kupiti publikacije Zavoda na način da za naručenu publikaciju izvrše jednokratnu uplatu na osnovu ponude/predračuna Zavoda.

Član 22.

Korisnik postaje pretplatnik publikacije Zavoda na osnovu pisanog zahtjeva Zavoda. U pisanom zahtjevu korisnik određuje broj i naziv publikacije iz Programa publiciranja koje naručuje.

Član 23.

Zavod nije dužan obavještavati korisnike-pretplatnike o obavezi produžetka pretplate iz člana 22. stav 2. ovog pravilnika budući da je navedena obaveza sadržana u programu publiciranja koji se besplatno dostavlja svim korisnicima-pretplatnicima u tekućoj godini, a objavljena je i na internetskim stranicama Zavoda.

Član 24.

Štampane publikacije/CD-i mogu se naručivati pouzećem unutar Federacije BiH i Bosne i Hercegovine. Poštanski i bankarski troškovi nisu uračunati u cijenu publikacije te se plaćaju pri preuzimanju naručene publikacije.

Štampane publikacije/CD-i mogu naručivati i korisnici izvan Federacije BiH i Bosne i Hercegovine jednokratnom uplatom na osnovu ponude/predračuna Zavoda. Na cijenu publikacije dodatno se zaračunavaju poštanski i bankarski troškovi.

Član 25.

Zavod sklapa ugovore s kupcima publikacija o načinu plaćanja publikacija samo ako je ukupni iznos ili cijena naručenih publikacija veća od 1.500,00 KM (hiljadupetstotina maraka).

Ako je iznos ili cijena naručenih publikacija niža od iznosa iz stava 1. ovog člana, plaćanje će se izvršiti jednokratnom uplatom na osnovu ponude/predračuna.

IV KORIŠĆENJE PUBLIKACIJA ZAVODA

Član 26.

Svi korisnici publikacija Zavoda u štampanom obliku dužni su pri njihovom korišćenju navesti izvor podataka na sljedeći način:

1. Periodika:

Naziv institucije odgovorne za publikaciju. Naslov rada: podnaslov//Naslov publikacije, Oznaka sveska/godišta, broj (godina), str. Početna-završna.

2. Monografija:

Prezime, inicijal(i) imena autora. Naslov: podnaslov. Podatak o izdanju. Mjesto izdavanja: izdavač, godina izdavanja.

Član 27.

Svi korisnici mogu besplatno koristiti publikacije koje su dostupne na internetskim stranicama Zavoda, uz obavezno navođenje izvora podataka na sljedeći način:

Ime(na) autora (ako je/su poznata) odnosno naziv institucije odgovorne za publikaciju. Naslov rada (citirano: godina-mjesec-dan). // Naslov publikacije, oznaka sveska/godišta, broj(godina), str. Početna-završna. Dostupno na: potpuna http adresa.

V DISTRIBUCIJA PUBLIKACIJA U ZAVODU

Član 28.

Direktoru i sekretaru Zavoda dostavlja se određeni broj publikacija prema njegovom zahtjevu.

Član 29.

Članovima stručnog kolegija i načelnicima/cama odjeljenja i šefovima službi publikacije se dostavljaju besplatno prema potrebama određenog sektora, odnosno odjeljenja.

Član 30.

Biblioteci Zavoda dostavlja se, u štampanom obliku, 5 (pet) primjeraka svih publikacija Zavoda.

VI ZAVRŠNE ODREDBE

Član 31.

Ovaj pravilnik stupa na snagu danom donošenja.

DIREKTOR:

Derviš Đurđević

Broj:

Datum: